

dialogue twelve: FARMING

Nde Tim wadinoo lebbi joyi ley Teenengu, ndunngu
naati. Tobo ngoo fuddi. Bii-Aadama'en fuu mbeltii!

AALI- Hikka ana weli sanne, saabi ndiyam heyi.
Ilam dam naatii gese dee fuu.

TIM- Rowani woniraano^a nii?

AALI- O'oo. Ndiyam naatii seeda tan. Heewaali.
Kasin dam yaawii beebude.

PENNDA- Hitaande ndee fuu, remoobe mbaasii dañude
haaju mabbe. Kambe kaa, rowani be keydi!

AALI- Nden kaa, ebe mboowno ñaamude maaro tan.
Jooni, ebe mboowi gawri e bambaari fuu!

TIM- Yalla hikka buranii be?

AALI- Eyyo. So ndiyam naatii, maaro heewko remete.

TIM- Ko be ngadata^b e maaro ngoo? Be ñaaman maa
be cottan?

PENNDA- So maaro ana woodi, ko buri heewde heen yimbe
ñaaman koye-mabbe. Ko heddii koo, be cottan,
keba kaalisi, cooda haajuujui mabbe fuu.

^a Pronounced 'wooraano'.

^b Pronounced 'ngatta'.